

Atorfimmi pequserlunnerup akiornissaanut Naalagaaffiit Peqatigiit isumaqatigiissutaannut Kalaallit Nunaata ilanngunneqarnissaanik matumalu aalajangiiffigisassatut siunnersuutip akuerineqarnerata kingunitsianngua tamatuma sulissutigineqalernissaa aallartinneqaqqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut

(Inatsisartunut ilaasorta q Pipaluk Lynge, Inuit Ataqtigiit)

Aappasaaneerinninnermi akissuteqaat

(Naalakkersuisut Siulittaasuut)

Inatsisinut Ataatsimiititaliaq peqqissaartumik suliarinninneranut Naalakkersuisuniit qutsavigaarput.

Naalakkersuisut maluginiarpaat, Ataatsimiititaliap maluginiarsimagaa pequserluttarnerit akiorniarneqarnissaanik kissaateqarneq partiinit pingartinneqartoq, tassani aamma pisortat ingerlatsineranni innarligassaanninng, ammasuuneq aammalu tatigineqarneq piusariaqartut.

Peqatigisaanik ataatsimiititaliap oqaaseqaatai maluginiarneqarput tassa pequserlunnerit akiorniarnissaat pillugu Naalagaaffiit Peqatigiit isumaqatigiissutaata ilaaffigilernera allaffissornikkut aningaasaqarnikkullu sunniuteqarnissaa naatsorsuutigineqartariaqartoq. Aammalu pequserlunnerit pinaveersaartinnissaannut akiorneqarnissaannullu maleruagassat qitiusut inatsisini atuuttuneeersut.

Ataatsimiititaliap paasinninnera, inatsisit atuuttut misissorneqarneranni pisariaqartitsineq paasineqassagaluarpat, pisariaqartunik naleqqussaasinnaanissamut tunngavissiissasoq Naalakkersuisut aammattaq maluginiarpaat.

Siunertamut isumaqatigiinneq aallavigalugu Naalakkersuisut nutaamik allannguutissatut siunnersuuteqarput.:

“Atorfimmut pequserlunnerup akiornissaanut Naalagaaffiit Peqatigiit isumaqatigiissutaannut Kalaallit Nunaata ilanngunnissaata sulissutigineqalernissaa aallartinneqaqqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut. Suliap ingerlanneqarneranut killiffimmik Naalakkersuisut Inatsisartunut ataavartumik ilisimatitsisassapput”

Taamatut oqaaseqarlutik Naalakkersuisut qilanaaraat partiit oqariartuutissaat aammalu siunnersuutip suliarineqarnerata ingerlaqqinnissaa.